

Franckesche Stiftungen zu Halle

Honores In Theologia Svmmos Viro Svmme Reverendo Et Doctissimo Ioanni Frider. Christoph. Graeffe Philos. Doctori Et Art. Liberal. Magist. Ecclesiae ...

Pott, David Julius

Helmstadii, [1796?]

VD18 13280759

§. IX. 1) Huius peccati natura.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-203155

§. VIII.

*II. Deinceps vero homo, serpentis astutia seductus,
peccatum commisit,*

seu

sparguntur aetatis argenteae semina.

Gen. III, 1-6.

Deus igitur, mundi ex omni parte perfecti creator, (§. V.) cum malorum istorum auctor proximus haberi nequeat, vates noster culpam in hominibus, et quidem, cum mala ista cum genere humano fere coaeva deprehenderentur, in hominibus primaevis quaerendam esse statuit, quippe qui *Deum peccatis offendisse* putandi sint, in quae iam nunc Deus mala ista, tanquam supplicia debita, meritaque constituerit. Sic etiam coaeui Noachi diluvio, incolae Sodomorum terrae motu, Achini peste, alique alio modo maxime naturali occisi, flagitiorum poenas fuisse dicuntur. Omnia enim mala, explicatu difficiliora, veteres a Deo, tanquam supplicia hominibus pro peccatis perpetratis immissa, repetere solitos fuisse, inter omnes satis constat.

§. IX.

1) *Huius peccati natura.*

Age, iam inquiramus, quale peccatum hominum primaeuorum tot malorum fomes fuerit.

Nar-

Narrationis mythicae haec esse videtur natura atque oeconomia. Cum regio illa amoenae et frugifera, in qua homines primitiuos collocatos fuisse, dixerat auctor noster, Deorum simul secessus fuerit, ⁴⁴⁾ ut ibi quoque crescerent et adessent cibi diuini, necesse erat. ⁴⁵⁾ Nam uti veteres, Deorum naturam, ex humanae naturae, qua nil nobilius et praestantius nouerant, modulo et pede quasi metientes, eandem non multum humana praestare; sic quoque Deos ad hanc ipsam diuinam naturam sustinendam et conseruandam, remediis, ab hominibus adhiberi solitis, i. e. cibis, opus habere, arbitrabantur. ⁴⁶⁾ Porro, cum homines primaeui, non tam carne, quam potius fructibus vescerent, vitam sustentasse, ferebantur, et Deos diaeta, quam vocant, vegetabili contentos fuisse auctor noster fingit. Quare et cibum diuinum ex arboribus natum esse colligit. — Ut vero aliorum ciborum hominibus destinatorum

⁴⁴⁾ vid. not. 27.

⁴⁵⁾ Arbores istae, fructus diuinos ferentes Gen. II, 9. כֶּטֶר הַגֶּן plantatae fuisse dicuntur. Licet vero כֶּטֶר *in medio*, pro simplici כּ *in*, poni solere, ne tironem quidem fugiat; hoc nexu tamen commode etiam ad verbum *in medio horti* reddi posse putauerim, ut arbores primariae primarium quoque locum teneant.

⁴⁶⁾ Vix est, quod lectori in memoriam hic reuocemus, quae antiquitatis poetae simili modo de *nectare* et *ambrosia* fabulati sint.

torum alius est in corpus et valetudinem humanam effectus, sic quoque Dii ex alio arborum genere sapientiae, et diuinae praestantiae omnino, ex alio immortalitatis fructus collegisse feruntur. — Iam vero, (vt ad peccatum ipsum, ab hominibus primaeuis commissum, explicandum propius accedamus) pro vetustissimo viuendi genere, homines sese inuicem haud aliter, saltem haud acerbius, quam opibus et praerogatiuis, quibus alii alios antecedeabant, vsurpandis, sibi-que arrogandis offendere potuerunt. Hinc veteres, facta etiam ad Deos applicatione, et hos ipsos, hominibus adeo affines et affimiles, nulla alia re, quam praerogatiuis diuinis appetendis, grauius a mortalibus offendi posse arbitrati sunt. Vti igitur Babylo-
nes ⁴⁷⁾ quondam grandi turris mole ex-
struenda et aggerenda, Gigantesque ⁴⁸⁾ sa-
xis rupibusque ingentibus torquendis, coe-
lum, tanquam domicilium solis Diis reserua-
tum, expugnare sibi-que arrogare conati sunt,
vt Prometheus, ⁴⁹⁾ ignem Diis peculiarem,

⁴⁷⁾ Vid. Gen. XI, 1. fqq.

⁴⁸⁾ Cf. *Hesiod. theog.* v. 383-400. et *Appollod. bibl.* l. 1. c. 6. pag. 18. fqq. ed. Ill. Heynii, et notas eiusdem ad h. l. pag. 67. fqq.

⁴⁹⁾ Vid. *HOR. carm.* l. I. od. 3. v. 27. fqq. *HYGIN. fab.* 142 et 144. *LUCIAN. Prometheus seu Caucasus* T. I. pag. 13. ed. Bened. *HESIOD. op. et dies*